

COMISIÓN INFORMATIVA ESPECIAL DE CONTAS, FACENDA E ECONOMÍA

ACTA da mencionada comisión informativa, correspondente ó día **13 de decembro de 2017**

ASISTENTES:

PRESIDENTE: D. Francisco José Fraga Civeira	No Pazo da Deputación Provincial de Ourense, o 13 de decembro de 2017 , ás 17.30 horas, baixo a presidencia de don Francisco José Fraga Civeira, e con asistencia dos señores/as á marxe relacionados, reúnese a expresada comisión informativa, co fin de proceder á preparación e estudo dos asuntos que se indican, adoptándose os seguintes ditames:
DEPUTADOS/AS:	
D. Rosendo Luís Fernández Fernández	
D. Jorge Pumar Tesouro	
D. Plácido Álvarez Dobaño	
D. Plácido Álvarez Dobaño	
D. ^a Consuelo Vispo Seara	
D. José Antonio Feijóo Alonso	
D. ^a Isabel Gil Álvarez	
D. Vicente Gómez García	
D. Armando Ojea Bouzo	
D. Ramiro Rodríguez Suárez	
SECRETARIO:	
D. Francisco Cacharro Gosende	
INTERVENTORA:	
D. ^a Mónica Legaspi Díaz	

1º.- ACTA ANTERIOR, CORRESPONDENTE Á ORDINARIA DO DÍA 15 DE NOVIEMBRE DE 2017

En relación coa acta da reunión anterior, correspondente á ordinaria do día 15 de novembro de 2017, queda aprobada por unanimidade coa da asistencia á reunión de don Adolfo González Novoa e non de don Vicente Gómez García, como figuraba por erro.

2º.- MOCIÓN DE DEMOCRACIA OURENSANA RELATIVA Á ELIMINACIÓN DAS TAXAS EMITIDAS POLA PASADA VAGA DE LUMES.-

D. Armando Ojea Bouzo, de Democracia Ourensana, expón o contido da moción, dando lectura á súa parte dispositiva.

D. Rosendo Luís Fernández Fernández, do Grupo Popular, pregúntalle ao Sr. Ojea se está seguro de que esta Deputación emitiu unha factura pola vaga de lumes.

D. Armando Ojea Bouzo, de Democracia Ourensana, responde que si, dado que se tratou dun incendio relacionado coa vaga de lumes.

Non se producen máis intervencións someténdose a votación a moción, non ditaminándose favorablemente o acordo proposto, ao obter o voto favorable de Democracia Ourensana (1), o voto en contra do Grupo Popular (6) e a abstención do Grupo Socialista (3) e do BNG (1).

3º.- MOCIÓN DO GRUPO SOCIALISTA SOBRE A MODIFICACIÓN DO CÓDIGO PENAL PARA INTRODUCIR UN ARTIGO QUE PREVEXA E CASTIGUE O DELITO DE APOLOXÍA DO FASCISMO E DO TOTALITARISMO.-

D. Vicente Gómez García, do Grupo Socialista, dá lectura á parte dispositiva da moción.

Non se producen intervencións e co voto favorable do Grupo Socialista (3) e do Grupo Popular (6) e a abstención de Democracia Ourensana (1) e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Instar ao goberno do Estado e aos grupos parlamentarios das Cortes Xerais para que contemplen a modificación do Código Penal e fagan a pertinente introdución dun artigo que prevexa e castigue o delito de apoloxía do fascismo e do totalitarismo.

2º.- Instar ao goberno do Estado e á Xunta de Galicia para que desenvolvan as medidas normativas específicas para que se impida o acceso de calquera entidade que practique a apoloxía do fascismo ás subvencións de carácter oficial de ambas as dúas institucións.

3º.- Desenvolver unha norma específica nas bases de subvencións e axudas desta Deputación que prohiba o acceso a elas das entidades que promovan os delitos de odio e fagan apoloxía do fascismo en calquera das súas formas.

4º.- Promover, entre os concellos da provincia, que se adhiran a un compromiso asinado polo cal se estableza a obrigatoriedade de introducir unha norma nas bases de axudas e subvencións municipais que impidan o acceso a elas, das entidades que propaguen a ideoloxía fascista e/ou totalitaria.

5º.- Aumentar a dotación económica, actualizar e ampliar o contido do proxecto “A represión na provincia de Ourense” así como da web correspondente.

4º.- MOCIÓN DE URXENCIA.-

Neste punto, o Sr. secretario dá conta do acordo da Xunta de Goberno, do 12 de decembro de 2017, de fixación de prezos públicos do catálogo da exposición In Tempore Sueborum, sen ditame previo da comisión por razóns de urxencia.

5º.- ROGOS E PREGUNTAS.- Non se producen.

E, ás 18.00 horas, dáse por finalizada a reunión, redactándose a presente acta, que asinan o presidente e o secretario. Certifico.